

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Stručna služba za zajedničke poslove

Broj: 17-14-5051-08-05-2017

Sarajevo; 08-05-2017 godine

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa odredbama Pravilnika o uslovima i načinu korištenja e-Aukcije ("Službeni glasnik BiH", broj: 66/16), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba u postupku javne nabavke pod nazivom "Nabavka i isporuka računara i računarske opreme za potrebe organa Kantona Sarajevo", za LOT 2 – laptopi (Zapisnik o pregledu i ocjeni ponuda broj: 17-14-5051-11 od 04.05.2017. godine, načelnik Stručne službe za zajedničke poslove Kantona Sarajevo, d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku roba u postupku javne nabavke za **LOT 2 – laptopi** i dodjeljuje se ponuđaču „**KAMER COMMERCE**” d.o.o. **Sarajevo**, prema dostavljenoj ponudi broj: 414/17 od 17.04.2017. godine, ukupne vrijednosti od **1.315,00 KM (bez PDV-a)**.

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze (original ili ovjerene kopije po članu 45. stav (1) tačka a) do d), i ovjerene kopije po članu 47. stav (1) tačka c) – Bilans stanja i bilans uspjeha za 2016. godinu, u skladu sa Zakonom o javnim nabavkama BiH u roku od 5 (pet) dana, nakon što svi ponuđači budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa odredbama tenderske dokumentacije.

U slučaju da izabrani ponuđač propusti da dostavi originalne dokaze ili ovjerene kopije u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http: sszp.ks.gov.ba](http://www:sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-5051 od 14.02.2017. godine – Nabavka i isporuka računara i računarske opreme za potrebe organa Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke za LOT 2 – laptopi bez PDV-a iznosi 1.750,00 KM.

Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-7-1-29-3-35/17 dana 05.04.2017. godine u 15:31 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima: 1. "GODIMERC" d.o.o. Sarajevo; 2. "BBS" d.o.o. Sarajevo; 3. "KAMER COMMERCE" d.o.o. Sarajevo; 4. "R & S" d.o.o. Sarajevo; 5. "MMCC" d.o.o. Sarajevo. Rok za dostavu ponuda bio je 17.04.2017. godine do 14,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

LOT 2 – laptopi

R.br.	PONUĐAČ
1.	"KAMER COMMERCE" d.o.o. Sarajevo
2.	"GODIMERC" d.o.o. Sarajevo

U skladu sa Odlukom o pokretanju postupka, Komisija za nabavku roba formirana *Odlukom o imenovanju: broj 17-05-30813 od 19.10.2016. godine i broj: 17-05-10502 od 10.3.2017. godine* provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-5051-11 od 04.05.2017. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dva (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da je ponuda ponuđača "KAMER COMMERCE" d.o.o. Sarajevo formalno-pravno ispravna, odnosno ispunjava formalno-pravne uslove za učešće u kvalifikacijama, kao i tehničke karakteristike i druge uslove propisane od strane ugovornog organa,
- da je ponuda ponuđača "GODIMERC" d.o.o. Sarajevo formalno-pravna neispravna, iz razloga što je ponuđač u svojoj ponudi za **LOT 2 – laptopi**, dostavio Bilans stanja i Bilans uspjeha za 2015. godinu, a tenderskom dokumentacijom je zahtijevano dostavljanje Bilansa stanja i Bilansa uspjeha za 2016. godinu. Iz navedenog razloga, ponuđač "GODIMERC" d.o.o. iz Sarajeva se isključuje iz predmetnog postupka javne nabavke.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Obzirom da je tenderskom dokumentacijom predviđena e-Aukcija, ista nije zakazana iz razloga što nisu ispunjeni uslovi za provođenje iste u skladu sa članom 3. stav (3) Pravilnika o uslovima i načinu korištenja e-Aukcije ("Službeni glasnik BiH", br. 66/16). Kako je ponuda ponuđača "KAMER COMMERCE" d.o.o. Sarajevo jedina prihvatljiva za LOT 2 - laptopi, postupak se okončava u skladu sa članom 69. stav (1) tačka a) Zakona o javnim nabavkama.

Komisija za nabavku roba je sačinila rang listu prihvatljivih ponuđača za postupak javne nabavke za LOT 2 – laptopi kako slijedi:

<i>Red.br.</i>	<i>NAZIV PONUĐAČA</i>	<i>Ukupna cijena bez PDV-a (KM)</i>
1	„KAMER COMMERCE” d.o.o. Sarajevo	1.315,00

U skladu sa kriterijem “najniža cijena”, **ugovor se dodjeljuje ponuđaču „KAMER COMMERCE” d.o.o. iz Sarajeva**, ukupne vrijednosti od **1.315,00 KM (bez PDV-a)**, odnosno **1.538,55 KM (sa PDV-om)**. Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremila: Samira Duraković, dipl.iur.
Kontrolisao: Sedin Kozadra, dipl.ecc.

Prilog:

1. Zapisnik o pregledu i ocjeni ponuda broj: 17-14-5051-11 od 04.05.2017.godine

Dostaviti:

1. Svim učesnicima u postupku
2. a/a